

## II - ARABAKO LURRALDE HISTORIKOAREN TOKI ADMINISTRAZIOA

### LEGUTIOKO UDALA

#### Dirulaguntza deialdia irabazteko xederik gabeko kirol elkarteentzat, 2017rako

##### 1. Deialdiaren xedea:

Behar den bezala legeztaturik dauden elkarte eta klubek udalerrriaren esparruan sustatutako edo udalerrirako interesgarriak izan daitezkeen 2017rako kirol jarduerak eragindako gastuak finantzatzen laguntzea, aurrekontuaren mugen barruan.

Bazter utzitakoak.

Ehiza eta zikloturismoa dirulaguntza lerro honetatik bazterturik daude, kontuan hartuta kirol mota horien egitura eta berekin dakarten jardunaren ezaugarriak.

##### 2. Onuradunak:

Irabazteko xederik gabeko elkarte eta klubak izan ahalko dira dirulaguntza hauen onuradunak, baldin eta sozietatearen egoitza Legutiotan badaukate eta legeak ezarritakoaren arabera eratu eta erregistratu badira.

Ez dira izango dirulaguntzaren onuradunak azaroaren 17ko 38/2003 Legeak 13. artikuluan ildo horretan ezarritako gorabeherak betetzen dituzten eskatzaileak.

##### 3. Aurrekontu kreditua:

Irabazteko asmorik gabeko kirol klub eta elkarteentzako dirulaguntzetarako 340.481.010 aurrekontu aplikazioa jasotzen du Legutioko Udalaren aurrekontuak.

Programa honen bidez deitutako laguntzen zenbatekoa, 2017ko ekitaldirako, 16.100 euro da.

##### 4. Diruz laguntzeko moduko programak:

Kirol klub edo elkarteek egoitza duten herri edo udalerriko bizilagunentzat proposatutako kirol programetako jarduerak antolatzeak dakartzen gastuak, 2017an egiteko egutegi espezifiko batekin; hor sartzan dira federazioen fitxak, arbitraiak, berariazko materiala (balioak, pilotak, ekipamendua etab.) eta, ikastetxeetako kirol eskolen kasuan, kirol monitorearen gastua.

Ez dira diruz lagunduko (hots, defizitaren kalkulutik aparte egongo da) jatekoareki, edatekoarekin eta garraioarekin (entrenamenduetara edo kirol probetara joateko garraioa) loturiko gastua, ez eta horretaz aparte Legutioko Udaleko Kultura eta Kirol Batzordeak egoki jotzen duena ere.

##### 5. Dirulaguntza emateko prozedura:

Lehiaketa izango da dirulaguntza emateko prozedura. Eskaerak erkatu egingo dira, betiere bermatuko direlarik azaroaren 17ko 38/2003 Lege Orokorrek, dirulaguntzenak, ezarritako publikitate, lehia, gardentasun, objektibotasun, berdintasun, diskriminaziorik ez, eta eraginkortasun eta efizientziaren printzipioak.

##### 6. Dirulaguntzak emateko irizpideak:

Dirulaguntzak ematea borondatezkoa izango da; hortaz, ez da hartzen inolako betebeharririk deialdi honetara aurkeztzen diren eta oinarriak betetzen dituzten eskaera guztiei dirulaguntza emateko. Hauek izango dira dirulaguntzak emateko balorazio irizpideak:

a) Zer interes publiko edo sozial duen jarduera proiektuak edo programak; baita zer interes duten ezarritako helburuek ere.

b) Udalerriko herrietan eragina duten eta bertako kultura eta kirol jarduerak sustatzen dituzten proiektu edo jarduerak izatea.

c) Erakunde eskatzailearen egonkortasuna eta kaudimena, eta hark aurkeztutako programaren jarraitutasuna.

d) Erakunde sustatzailekoak ez diren pertsonak kideek parte hartuko luketen baldintza bere-tan parte hartzea proiektuaren edo programaren xede diren jardueretan.

e) Programa hau dirulaguntzaren bitartez aurrera eramatea bermatzeko aurkeztu ditzakeen baliabideak (azpiegitura, materialak eta baliabide pertsonalak) izatea.

f) Programa edo jarduerak euskararen zabalkundean laguntzea.

g) Kontuan hartuko da eskatutakoak erakunde eskatzailearen diru baliabideekin duen proportzionaltasuna.

h) Dirulaguntzaren zenbatekoa ehuneko 1 igoko da diruz laguntzekoak diren jarduerak emakumeen eta gizonen arteko berdintasuna sustatzen badute.

#### **7. Dirulaguntzen zenbatekoa:**

Dirulaguntzak programaren kostuaren arabera eta hura partez estaltzeko dauden baliabideen arabera izango dira. Garrantzitsua eta kontuan hartu beharrekoa izango da sustatzaileak baliabide propioak sortu ahal izatea edo baliabideak beste administrazio publiko batzuen bitartez lortu ahal izatea.

Dirulaguntzen zenbateko osoa 2017rako kontsignatutako aurrekontu mugen arabera izango da.

Gehienez, sortzen den aurrekontuaren ehuneko 75 lagunduko da diruz. Defizita sortutako diruz laguntzeko moduko gastuen arabera kalkulatzen da, oinarrietako laugarren idatz zatian xedatutakoaren arabera.

Kirol elkarte edo klub bakoitzari gehienez ere 5.000 euroko dirulaguntza emango zaio.

#### **8. Eskaerak aurkezteko epea eta tokia:**

Eredu ofizialarekin (I. eranskina) bat etorriko dira eskaerak eta Legutioko Udalaren Erregistroan aurkeztu beharko dira (Karmen kalea, 10); halaber, urriaren 1eko 39/2015 Legeak, administrazio publikoen administrazio prozedura erkidearenak, 16. artikuluan adierazitako edozein bide erabili ahalko da eskaerak aurkezteko.

Eskaerak eta agiri osagarriak aurkezteko epea 30 egun naturalekoa izango da, deialdia ALHAOn argitaratu eta hurrengo egunetik aurrera.

Eskaerak edo berarekin batera aurkeztutako nahitaezko agiriek hutsen bat badaukate edo osorik ez badaude, interesdunei hamar eguneko epea emango zaie, errekerimenduaren jakinarazpena jaso eta hurrengo egunetik aurrera, hautemandako akatsak zuzentzeko; epe hori igaro eta esandako akatsak ez badituzte zuzendu, beren eskaeran atzera egiten dutela ulertuko da eta prozedura artxibatu egingo da.

Elkarte bakoitzak eskaera bat baino ezingo du aurkeztu.

#### **9. Eskaerarekin batera aurkeztu beharreko agiriak eta informazioa:**

Dirulaguntza eskaera (I. eranskina) osorik beteta eta elkarte edo klubaren legeko ordezkariak sinatuta aurkeztu behar da, eta harekin batera, agiri osagarri hauek:

a) Eskaera sinatzen duenaren NANaren fotokopia.

b) Ordezkarri gisa jarduten duela egiaztatzen duen agiriaren fotokopia, nola eta eskaera orria izenpetzen duena erakundearen lehendakaria bera ez den.

c) Erakundearen estatutuen fotokopia eta legea betez eratuta egotearen eta Eusko Jaurlaritzako Elkarte eta Erakundearen Erregistroan izena emanda egotearen ziurtagiria (baldin eta ez bada aurkeztu beste deialdi batzuetan).

d) Elkartearen identifikazio fiskaleko kodearen kopia.

e) Zerga betebeharren eta Gizarte Segurantzako betebeharren ordainketa egunean edukitzearen ziurtagiria.

f) Jardueraren proiektua edo jardueren urteko programa, ondoko hauek adierazi behar direlarik, bereizita:

- Lortu nahi diren helburuak.
- Garapen egutegia.
- Programaren edo jardueraren kostua.
- Deialdi honetatik kanpo kudeatuko diren baliabideak.
- Jarduera bakoitzeko diru sarrerak.
- Bazkide bakoitzak ordaindu beharreko kuota.
- Taldekideen zerrenda, sexuka banatuta.

g) Elkartearen titulartasuneko kontua, banku erakundeak behar bezala egiaztatua.

h) Legezko ordezkarriaren erantzukizunpeko adierazpena, elkartearen dirulaguntzak jasotzeko gaitasungabetua ez dagoela adierazten duena (II. eranskina)

i) Erantzukizunpeko adierazpena, beste erakunde publiko zein pribatu batzuek dirulaguntza eskaeraren xede den proiekturako emandako edo erakunde horiei eskatutako dirulaguntza edo laguntzena (III. eranskina)

j) Diru sarrera eta gastuen aurrekontu xehatua, 2017. urtean egingo den urteko programa edo kirol jarduerena (IV. eranskina)

Erakunde onuradunek hitzematzen dute beraiek egindako jardueren inguruan Legutioko Udalak eskatzen dizkien datu eta agiri guztiak aurkeztuko dituztela.

#### **10. Dirulaguntzak emateko prozeduraren instrukzioarako, proposamenerako eta ebazpenerako eskumena daukaten organoak:**

Kirolen informazio batzordeak proposatuta, lehiaketa bidez emango ditu dirulaguntzak udalbatzak, alkateak edo lehendakariak dagozkion oinarriak onartu ondoren. Batzordeak, proposamen hori egiteko, egoki irizten dituen aholku teknikoak eskatu ahal izango ditu.

Informazio batzordeak ezingo du proposatu oinarri arau hauetan xedatutakoa betetzen ez duten dirulaguntzak ematea.

Zalantzarik sortzen bada oinarri hauek interpretatzean, Legutioko Udaleko kirol batzordeak ebatziko du.

#### **11. Ebazteko epea:**

Deialdia argitaratu eta hurrengo egunetik aurrera sei hilabete izango dira gehienez ere prozedura ebatzi eta haren berri emateko.

Gehieneko epea igaro bada eta interesdunei bidezko ebazpenaren berri eman ez bazaie, eskaera ezetsi egin dela ulertuko da, administrazio isiltasunagatik.

Ebazpenak administrazio bidea amaitzen du eta haren aurka interesdunek aukerako berraztertze errekurtsoa jarri ahalko diote alkateari hilabeteko epean, ebazpen hori ematen denetik aurrera; bestela, zuzenean aurkeztu ahalko dute administrazioarekiko auzi errekurtsoa Gasteizko administrazioarekiko auzietarako epaitegian, bi hilabeteko epean. Horrek guztiak ez du eragozten interesdunak egoki deritzon beste edozein errekurtso ere aurkeztea.

#### **12. Dirulaguntzen ordainketa:**

Elkarte edo klub bakoitzari dagozkion dirulaguntzak ezarri eta gero, ondoko banaketa honen arabera ordainduko dira:

– Aldez aurretik ordainduko da dirulaguntza; hau da, justifikazioa egin baino lehen. Diruz lagundutako kopuru osoaren ehuneko 75 programaren hasieran emango da, eta ez da zertan bermerik eman, jarduerak gizarte interesa baitaukate; edonola ere, arauak ez betetzeagatik erantzukizuna izango da edo dirulaguntza itzultzeko eskatuko da, hala badagokio.

– Gainerako ehuneko 25a, dagozkion ordainketa agiriak eta egindako jardueren buruzko memoria aurkeztu eta gero emango da (betiere 2018ko urtarrilaren 31 baino lehen).

#### **13. Justifikatzeko epea eta era:**

Justifikazioa agiri hauek aurkeztuz egingo da:

a) Diruz lñagundutako gastuen justifikazio memoria, entitate onuradunaren ordezkariak sinatuta.

b) Jatorrizko fakturak edo horien fotokopia konpultsatuak, argi identifikatuta egon behar dutelarik datu hauekin:

– Jaulkitzailea: izena edo sozietatearen izena, eta NAN edo IFZ.

– Hartzailea; izena edo sozietatearen izena eta NAN edo IFZ. (ahal dela klubaren edo elkar-tearen izenean)

– Gastuaren xedea.

– Data

– Faktura zenbakia.

– Elkar-teak edo klubak egin dituen gastu guztien zerrenda.

– Zinpeko adierazpena, entitate onuradunaren ordezkariak sinatua, gastua finantzatzeko baliatu diren sarrera edo dirulaguntzen gainekoa, zenbatekoa eta jatorria adierazita.

– Egindako publizitate materialaren ale bat (kartelak, eskuko programak...).

– Fakturak ordaindu izanaren frogagiriak. Hauek onartuko dira gastuaren frogagiri gisa:

Jatorrizko fakturak, enpresa jaulkitzaileak jarritako zigiluarekin, ordainduta daudela adieraziz.

Bankuko jatorrizko ziurtagiria; bertan agertuko dira, gutxienez, zenbatekoa, data eta ordainketaren edo transferentziaren onuraduna. Ziurtagiri hori izenpetuta aurkeztuko da, edo bankuaren zigilua daukala.

Jatorrizko fakturaren jaulkitzaileak sinatutako edo zigilatutako ziurtagiria; bertan agertuko dira faktura zenbakia, zenbatekoa eta ordainketa data.

Jatorrizko bankuko kontu laburpenak, posta arruntez jasoak.

Kontu korronteen libreten kopia konpultsatua, mugimenduak ageri dituenak.

Posta elektronikoz jasotako bankuko kontu laburpenak edo transferentzia agindu telematikokoak.

Jatorrizko erosketak txartelak, zenbatekoa ordaindu dela egiaztatzen dutenak.

– Ez dira onartuko gastuen frogagiri gisa:

Datu hauek argi eta garbi azaltzen ez diren faktura edo ordainagiriak:

Jaulkitzailea: izena edo sozietatearen izena, eta NAN edo IFZ.

Hartzailea; izena edo sozietatearen izena eta NAN edo IFZ. (ahal dela klubaren edo elkar-tearen izenean)

Gastuaren xedea.

Data

Faktura zenbakia.

Zerga araudia betetzen ez duten faktura eta ordainagiriak, pertsona fisikoen errentaren gaineko zergako konturako atxikipenei dagokienez.

#### **14. Dirulaguntza itzultzea:**

Jasotako diru kopuruak itzuli egin beharko dira ondoko kasu hauetakoren bat gertatuz gero:

– Aurkeztutako eskaeran edo agirietan gezurrezko datuak azaldu badituzte.

– Emandako dirulaguntza ez bada erabili aurkeztutako eta onartutako programan aurrei-kusten diren jardueretarako.

– Ez bada behar bezala justifikatu, faktura eta justifikazio agirien bitartez eta 13. oinarrian ezarritakoaren arabera, hasierako aurrekontuan aurkeztutako gastuak, zeinen arabera egin baitzen zegokien diru portzentaiaren azterketa. Gastuaren partezko justifikazioa eginez gero, justifikatu ez den gastuaren baliokidea den diru kopurua itzuli beharko da.

– Jardueraren benetako kostua baino finantzaketa handiagoa lortu bada; halakoetan sobera dagoen diru kopurua itzuli beharko da.

– Gainfinantzaketa egoten bada, beste erakunde publiko edo pribatu batzuek dirulaguntzak edo laguntzak eman dituztelako; halakoetan, onuradunak Legutioko Udalak emandako zenbatekoa itzuli behar du, halako moldez non ez den gaindituko proiektuaren edo jardueraren kostuaren ehuneko 100, adibidez oinarri hauen 15. eta 16. puntuetan jasotakoa.

– Oro har, oinarri hauetan, aplikatu beharreko araudian edo dirulaguntza ematen duen erabakian finkatutako betebeharretako edozein bete ez bada.

– 38/2003 Lege Orokorrak, dirulaguntzenak, 37. artikuluan jasotzen dituen itzultze arrazoie-tatik edozein gertatzen bada.

Itzultzeko prozedura izapidetuko da 38/2003 Lege Orokorrak, dirulaguntzei buruzkoak, horri buruz xedatutakoarekin bat etorritik, hura udalbatzaren, dirulaguntzak ematen dituen organoaren edo organo eskuordearen erabakiaren bidez ebatziko da, eta betiere entzunaldiko izapidea emango da.

Itzulketa horretarako ezarritako epean egiten ez bada, berandutze interesak ordainaraziko dira, dirulaguntza ordaindu zenetik itzulketa egin beharra dagoela erabakitzen den arte sortu-takoak.

Itzuli beharrekoa emandako dirulaguntzaren ehuneko 20a baino gehiago bada, ehuneko 20ko zigorra jarriko da, 2018an ematekoak diren dirulaguntzetan egokitu daitekeen dirulaguntzaren guztizkotik.

#### **15. Lankidetzak:**

Legutioko Udalak erabakiko du, berak kirol hedapenerako antolatutako kanpainak aurrera eramateko egoki irizten dion kasuetan, urtean zehar eta dirulaguntzaren zenbatekoaren arabera, elkarte edo klub onuradunek zer laguntza eman behar duten.

Erakunde onuradunak berak udalerrian egiten den kirol eta kultura jarduera bat gutxienez antolatzeko edo bertan lankidetzan emateko baldintzaren pean egongo da dirulaguntza.

**16. Betebeharrak:**

Udalaren ontzat emanaren aurretik udalaren armarrria jarri beharko da elkarte edo klubek egindako material guztietan (kartelak, kamisetak, etab.), gastu modura sartuta badaude dirulaguntza eskatzean aurkeztutako aurrekontuan edo osorik udalak finantzatuak badira.

**17. Dirulaguntzak emateko arrazoiak aldatzea:**

Dirulaguntza emateko kontuan hartutako baldintzetan aldaketa garrantzitsuak egon badira, ebazpena aldatu ahalko da.

**18. Arau haustek eta zehapenak:**

Dirulaguntzen arloko arau hauste eta zehapenei buruzko arloan, osorik aplikatuko dira 38/2003 Lege Orokorrak, dirulaguntzenak, IV. tituluan jasoriko arauak eta lege horren erregelamendua onartu zuen 887/2006 Errege Dekretuaren IV. titulua.

**19. Aplikatzekoa den araudia:**

Oinarri arautzaile hauetan aurreikusita ez dagoen guztian, honako hauetan xedatutakoa aplikatuko da: 38/2003 Lege Orokorra, dirulaguntzena; uztailaren 21eko 887/2006 Errege Dekretua, azaroaren 17ko 38/2003 Legearen erregelamendua onartzen duena, eta Legutioko Udalaren dirulaguntzak eta laguntzak arautzen dituen ordenantza, 2005eko martxoaren 21eko ALHAOn argitaratua.

Legutio, 2017ko maiatzaren 5a

*Alkate lehendakaria*

**NEKANE GARAIGORDOBIL BENGOA**